



Press saopštenje za medije:

Vijeće stranih investitora BiH (VSI) objavilo je listu prioriternih reformi za poboljšanje poslovne klime u zemlji, koja je 02.02.2010. godine predstavljena vladinim dužnosnicima BiH.

Sarajevo, 02.02.2010: Danas je Vijeće stranih investitora (VSI) prezentiralo Bijelu knjigu za 2009. godinu naglašavajući ključne prepreke za investiranje u Bosni i Hercegovini, a istovremeno nudeći niz preporuka o tome kako ukloniti administrativne prepreke koje su otežavale poslovanje kompanija. VSI se prvenstveno bavi poboljšanjem pravnog i regulatornog okvira u BiH, ali jednako su bitni praktični koraci koje vladini dužnosnici mogu poduzeti kako bi se poboljšao proces rada unutar institucija.

Bijela knjiga je publikacija koje se objavljuje na godišnjoj osnovi od strane članova VSI-a. Svrha Bijele knjige je da sugerira vlastima Bosne i Hercegovine (BiH) prioriternu reformu u cilju rješavanja ključnih prepreka za ulaganja. Bijela knjiga za 2009. godinu, obuhvata osam područja: **Registracija poslovanja, dobivanje boravišne i radne dozvole za strane državljane, poreze, dobivanje građevinskih dozvola, prava koja proizilaze iz radnog odnosa, Zakon o privrednim društvima, Zakon o izvršnom postupku, kao i Zakon o likvidaciji kompanija u Federaciji BiH.** Članovi VSI-a, su identificirali kratak popis reformi sa predloženim rješenjima, koje bi se mogle implementirati u narednih 12 mjeseci.

Tie Sosnowski, Predsjednik Upravnog odbora VSI i izvršni direktor Triland Development-a izjavio je: "BiH je do sada na mnoge načine bila pogođena finansijskom i ekonomskom krizom, ekonomski preokret pogodio je uvoz i izvoz, dotok stranih investicija i javnu potrošnju. Stoga je neophodno da vlasti skrenu pažnju na izazove sa kojima se susreće privatni sektor kao i na podsticanje reformi u cilju zadržavanja postojećih investitora u zemlji i privlačenja novih.

Osnovano 2006. godine, kao neprofitno udruženje, Vijeće stranih investitora ima za cilj da djeluje kao jedan glas svih stranih investitora u Bosni i Hercegovini, te nastoji promovirati poslovno orijentisane inicijative i pružiti praktičnu podršku svim investitorima kako bi poboljšali poslovno okruženje u zemlji. Članovi VSI-a, su uložili preko 4 milijarde eura u BiH i zapošljavaju preko 10.000 radnika.

-KRAJ-



Foreign
Investors
Council

Improving the Business Environment in BiH